

柯家山館詞

球總角時讀書修吉堂見伯父館菴先生所樂與談者  
獨悔菴居士爲最居士歸安人閱數月一至至必作竟  
日談球雖不知所談然心竊喜之喜其久而不去也丙  
寅冬居士違其故鄉卜居吾邑城北柯家山之麓時家  
大人閒居里門風月之夕居士輒過吾家之谿閣球藉  
得聞緒論然是時未聞言及于詞也越二年大人補官  
京師居士亦有會城校書之役過從猶未數自己巳以  
還居士杜門山館球於舉業之暇偶作韻語輒以就正  
居士往往獎飾之且時以所作見示球因得盡讀居士  
詩文并見所爲詞球於庚午冬卷偶之後臥病谿樓居

士所以慰藉之者甚殷球感居士有古人風恆從居士游而居士倚聲之作亦因球往還而寢多矣去秋居士鬱憂成疾入冬少蘇乃料檢新舊所作刪定若干手寫未及半而憊付球續之念無以慰牢愁之況錄既終卷乃從吏付諸梓人剞劂既就命爲之序非球所敢承也顧念周旋日久惠好彌竺有不能已於言者又念吾鄉當南宋時詞人有李氏商隱周隱曩弟與公謹聖與相伯仲元明以後嗣響者寥寥近日吾邑許兵部有鑑止水齋詞刻居士與兵部爲中表兄弟經神學海竝擅品目雖詩人之餘事天亦不生是使獨也以視二隱之競

爽夫何讓焉

嘉慶癸酉秋七月德清徐球序

柯家山館詞目錄

卷一

生查子 減字木蘭花 秋波媚 小重山 柳

梢青 一剪梅 阮郎歸 憶秦娥 蘭陵王

減字木蘭花 風光好 菩薩蠻 金縷曲 相

見歡 巫山一段雲 南鄉子 醉太平 二 疏

影 祝英臺近 河傳 點絳脣 齊天樂 采

桑子 秋波媚 淡黃柳 念奴嬌 南樓令

霜天曉角 浣谿沙 蝶戀花 減字木蘭花 二

秋波媚 太常引 高陽臺 望江南 念奴

嬌 阮郎歸 采桑子 太常引 賣花聲 長

相思 江城子<sub>五</sub> 點絳脣<sub>三</sub> 菩薩蠻 臨江

仙 采桑子 浣谿沙<sub>二</sub>

卷二

鷓鴣天<sub>五</sub> 滿江紅<sub>二</sub> 點絳脣 鷓鴣天 滿

江紅 賣花聲 念奴嬌 滿江紅 鷓鴣天<sub>二</sub>

高陽臺 柳梢青 秋波媚 采桑子 踏莎

行 漁家傲 采桑子 鷓鴣天 醉太平 蘇

幕遮 點絳脣 更漏子 大酺 八歸 驀山

谿 一落索 浣谿沙 齊天樂 揆春慢 摸

魚兒 菩薩蠻 浣谿沙 點絳脣二 南鄉子

清平樂 踏莎行 好事近 南樓令 念奴

嬌 東風第一枝 清平樂 摸魚兒 疏影

南浦 金縷曲 蝶戀花 清平樂

卷三

玉樓春 江梅引 鷓鴣天 定風波二 點絳

脣 破陣子 好事近 點絳脣 意難忘 生

查子 清平樂 浣谿沙 尉遲盃 渡江雲

菩薩蠻三 鳳皇臺上憶吹簫 水龍吟 點絳

脣 清平樂二 采桑子 鵲橋仙 謁金門

采桑子 西江月 蝶戀花二 三姝媚 卜算

子 念奴嬌 虞美人 菩薩蠻 青玉案 浣

谿沙 風入松 瑞鷓鴣 人月圓 好事近



柯家山館詞卷一

歸安嚴元照修能

生查子

殘霞天際紅黯黯  
幽紗暮窗下寂無人  
窗外梧桐樹  
無言倚翠闌  
愁思將誰訴  
鴈字一行斜  
任抹寒煙去

減字木蘭花

瑣窗皎皎只道夢回天已曉  
不是朝光月上梅梢夜正長  
鴛鴦瓦冷遙憶沈沈妝閣靜  
醮頰紅顏怎禁西風徹骨寒

秋波媚

彩雲一片過巫峯飛去已無蹤春來春去花開花謝一  
樣東風 棗花簾外相逢處賦別苦恩恩而今重見除  
非夢裏或是圖中

小重山

窗外梅梢月正明校書頻炙硯對孤檠嚴妝乍卸伴銀  
屏人寂寂時有剪刀聲 霜氣入疏櫺指寒纖手熨可  
憐生丁丁玉漏試同聽金猊冷今夜又三更

柳梢青

買得春來春風散盡舊日閒愁却又因伊無端醮額重  
上睂頭 迢迢月到紅樓凝望處魂銷也不春水樓前

東流無語一樣悠悠

許周生云  
淮海佳句

段先生云神來之筆

一剪梅

誰把空庭翠竹敲風也蕭蕭雨也蕭蕭斷魂未許楚詞  
招燈也搖搖心也搖搖無限關山隔夢遙山也迢迢  
水也迢迢等閒孤負可憐宵愁也朝朝病也朝朝

阮郎歸

曉妝初罷問鸚哥落紅簾外多三分春色二分過惜春  
人怎麼微雨霽午風和倚闌顰翠蛾偶然捉得柳花

搓日長無奈何

周生云晏  
叔原句也

憶秦娥

花陰仄晝長難得  
函紗黑函紗黑  
遙山如画夕陽簾隙  
故鄉迢遞空相憶  
淡閨一片愁如織  
愁如織江南春  
好杏花寒食

蘭陵王

亂紅落門掩青苔漠漠  
斜陽外啼煞杜鵑春已將歸更  
催著傷春轉瘦削  
消却纖腰一搦  
回頭見飛倦柳花似  
向風前訴飄泊  
縵縵舊簾幕但鎮日垂垂  
淡護妝閣  
晝長怎遣情懷惡  
儘鬢影斜鞦韆淚痕常溼紅  
函誰與慰  
寂寞聽花下鈴索  
斟酌燕鶯約便挽得韶華芳信難

托也休頻悔當時錯算只合消受病纏愁縛黃昏將近  
倚砌竹翠袖薄

周生云清真詞最難學九能真善學古人者

減字木蘭花

淡雲微雨枝上嬌紅嬌欲語卷地風吹無語嬌紅片片  
飛莫嫌風惡不見無風花不落一任花殘還惜殘花  
子細看

段先生云妙於轉折倪米樓云此詞怨而不怒得  
詩餘意旨又云別開妙境却合清空婉約之度前  
無古人

風光好

問東風恨東風枝上天桃春正濃又殘紅  
殘紅滿地  
閒春繡人空瘦困倚香篝兩鬢鬆晚妝慵

菩薩蠻

花開長被東風虐花殘又被東風謔空有惜花心看花  
淚滿襟  
春花空窈窕怎比秋花好不見玉芙蓉試霜  
淡淺紅

金縷曲

無那春歸早正連宵風風雨雨落紅如掃狼藉韶光留  
不住啼煞花閒嬌鳥又惹起閒愁多少風兒祇今成惆  
悵對菱花不比當年好簾半卷柳絲裊  
天涯是處多

芳草問東君，怱怱此去幾時重。到來歲，琉璃闌，還依舊。只怕凭闌人老，須底物，懣除煩惱。離合悲歡，渾閒事，似雪泥偶印飛鴻爪。人世恨，更何道。段先生云：可以怨。

相見歡

斜陽只在樓西，暮煙迷一色。長隄芳草，又萋萋。春情嬾春腸轉翠睂，佯惆悵。十年前事，再休題。

巫山一段雲

淡院花爭放，妝樓日漸長。隄邊垂柳復垂楊，容易斷人腸。學語鶯兒巧，銜泥燕子忙。沈沈簾幕護蘭堂，無那好風光。

南鄉子

華秋槎丈以白團扇画秋江載月圖見惠

仙吏老西湖迢遞傳來一紙書扇面墨花誰點染模糊  
認取秋江載月圖 妝閣付清娛珍重題詞顆顆珠纖  
手擎來燈畔讀踟躕小字分明被客呼

郭頻迦云善言兒女之情

醉太平

風聲竹聲泉聲雨聲翠衾無那寒生是樓頭幾更 天  
明未明愁醒未醒有誰伴我淒清感銀燈一星

又

春光漸闌桃花又殘可憐零落紅顏最春人怕看 修



睂翠攢清愁萬端斷腸十二闌干正高樓暮寒

疏影

幾竿翠竹倚曲闌窈窕偷放新綠暮雨瀟瀟做出秋聲  
孤眠未許清熟熏鑪消得心香盡消不得閒愁千斛記  
昨宵夢裏家山依舊杜鵑紅簇身似風中柳絮十年  
故國恨長頓心曲數徧當前誰是知音只有多情銀燭  
清宵爲我垂紅淚又伴我瑣函幽獨怕斷腸不比冰弦  
縱覓鳳膠難續

祝英臺近

峭寒輕晴晝永特地卷珠箔池上桃花紅意已非昨倚

關欲問東風吹開幾日又何苦將它吹落 怨風惡細  
算却是桃花生來命元薄隨意天斜只合傷籬竹無端  
移近房檠釀成春恨悔當日用心真錯頻迦云古  
之傷心人

河傳

愁絕明月上紅牆移過回廊似霜繡屏夢回思故鄉淒  
涼夜闌空斷腸 休聽花閒啼杜宇歸不去歸去向何  
處峭寒生翡翠衾沈吟何人知此情

點絳脣

霜片無聲夜來端合黃花受翠簾涼透人與花爭瘦  
同此消魂看到黃昏後休相負斷腸時候來歲花開又

齊天樂

西風簾外霜華重。黃花又開無數。翠減睂峯，釧鬆腕玉，消却昔年丰度。涼生繡戶，更誰省、嬌娥此時情緒。多謝涼蟾夜淡，依舊上高樹。長憑清淚洗面，早紅潮褪盡。

醮頰如許，羅幃燈昏，熏爐灰冷，檢點閒愁，千縷蘭心正苦。聽落葉驚秋，伴人淒楚。直到天明，紙窗聲似雨。米樓云一

結玉田  
佳境

采桑子

香篝斜倚雲鬟髻。生怕郎愁，暫起梳頭，試卷湘簾怯上鉤。可憐人比黃花瘦，怎禁颼颼。強說新瘳，驀地睂佯。

不自由

秋波媚

殘秋病起画屏中  
顏減舊時紅  
朝來簾卷凭闌翠袖怯  
盪西風  
不妨醮頰重臨鏡  
妝淡勝妝濃  
妝成自笑生  
來心性不慣嬌慵

淡黃柳

江南道中

霜華如雪中夜西風急  
獨掩伍篷衾似鐵  
莫道客懷孤  
迴此際紅樓更愁絕  
怨離別  
蘭釭半明滅  
把心事向誰說  
聽聲聲野外哀鴻過  
一餉消凝  
奈它殘角吹落江

村月月

念奴嬌

小姑江上記當年初與伊人相遇豆蔻梢頭芳意淺嬌  
小未通眉語十載心期三春病訊端被多情誤妝成金  
屋美人容易遲暮惆悵花謝花開豔桃穠李總惹東  
風妒鶯語丁寧畱不得零落紅英無數草草年華沈沈  
風雨此恨憑誰訴周生云作悲壯語  
正無聊之至也重尋陳迹一如春  
夢無據

南樓令

初冬月季花開

花信久無蹤，經秋又到冬。怎孤芳還傍簾櫳，又向枝頭  
嬌欲語，誰管領，暫時紅。意外恰相逢，不如當日容對  
西風。醮頰如儂，應怨花開時候，錯休錯怨曉霜濃。

霜天曉角

春風一宿池水銷，寒玉待到淡。淡妝閣吹不散，翠蛾蹙  
心曲，愁幾斛。斷腸難再續，閒問茜紗窗，外芭蕉葉甚  
時綠。

浣谿沙

月河旅次

越女洲邊去，采蘋行雲惆悵隔三旬。登山臨水總思君。

幾度小樓聽夜雨幾番紅淚溼羅巾幾時纔展翠眉  
顰

蝶戀花

乙丑正月初三日

紅鄂枝頭春信轉又是秋孃一度年華換椒酒盛來金  
璞滿美人頭上花枝戰回首客秋秋過半十二巫峯  
準擬行雲散不分妝臺今又見芙蓉依舊春風面

自柳梢青以下廿七首乃畫扇齋秋怨所汰存者悔  
菴記

減字木蘭花

爲何夢華題西湖買春卺子

十年前誤儂亦段家橋畔住燕約鶯盟著意尋春却讓  
卿明珠幾斛消受樓中人似玉生計何如還有牀頭  
萬卷書

又

華秋槎丈罷官寓居西湖之德生菴方蘭如  
爲画北山旅館圖僕昔曾以文記之酒闌重  
見有感於懷更賦此解

段家橋畔二十年來風景換滄海英雄白髮飄蕭老此  
中清瓜明月到此一錢都不值費盡摩挲特地尊前  
喚柰何



秋波媚

孫秋士作蕭山之行間閨中人之訃而還乃  
画之江感逝卹子索僕題之

寒江斷鴈一聲聲  
篷背攪離情  
青綾如水  
霜華似雪  
怎不消魂  
回腸九轉  
江三折  
轉折可憐  
生者番歸去  
玉梅花下誰更卿卿

太常引

丙寅初冬僕買屋德清北郭外柯家山麓與  
郎秀才杏圃結鄰臘月僕歸里謀先人窀穸  
杏圃來送葬於其歸也賦此送之

柯家山上月玲瓏  
夜夜挂孤松  
如此月明中  
似隔著蓬山萬重  
何妨再住短檠長伴解纜  
忒怱怱揜葵一燈  
紅聽譙鼓城頭幾通

高陽臺

寒杵聲殘熏鑪香冷  
聯牀坐到更深  
絮語無端  
燈前勾起傷心  
干卿何事添愁緒  
却爲儂幾費沈吟  
最難忘  
淚成堆對擁孤衾  
怱怱便挂蒲帆  
去臘寒窗相憶  
直到而今  
窗外梅花枝頭點點  
香凝連朝風雪  
同腸斷儘  
夜長清夢相尋  
更何時剪燭中宵  
重訴離情

望江南

何夢華索題所拓葉小鸞疏香閣眉子硯銘

冊子

疏香閣想像憶當年小院春淡花而匝綺函風靜月嬋娟清福玉人偏

疏香閣舊事說零星天上彩雲容易散人閒片石可憐生流轉付何人

疏香閣清秘屬何郎自拓香銘畱粉本平添嘉話譜文房小字認瓊章

疏香閣窗下費摩娑過眼煙雲成悵惆傷心香豔半消磨淚比玉蝓多

念奴嬌

過陳二松職方別業風日清美海棠盛開憶  
甲子之秋攜家避地曾借居於此而月感賦  
輕陰晦靄正海棠花發淡淡庭宇簾幙四垂晴晝永一  
樹嬌紅欲語鈴索惜惜游絲裊裊寂寞閒窗戶舊游根  
觸中宵曾聽秋雨 依約梧竹便娟房窠窈窕都是消  
魂處亞字闌干凭徧了碁局中心難訴身世飄蓬年華  
逝水只有春如故韶光暘好莫教輕放歸去

阮郎歸

柳絲嫋嫋水粼粼風光愁殺人寂寥孤館正傷春爲誰

春又分 酥雨過草痕新  
隨人綠上城鶯花地  
遇到清明幾時愁便醒

采桑子

感遇爲梁甫作

莫愁堂後簾垂地  
鬢影朦朧不分相逢人在雲  
窗霧閣中 依稀似說新來瘦  
祕語惺鬆今日萍蹤賸有靈犀  
一點通

太常引

送別沈譜梅

垂楊垂柳傍紅橋  
仿佛楚孃腰  
酒醒客魂消  
怎奈此千

條萬條 故鄉山好故人情重休去逐蓬飄風雨又連  
朝且繫了谿頭画橈

賣花聲

戊辰季夏備書會城寓政林門內之興福寺  
僧樓秋風生矣歸思彌切賦此題壁

休去倚闌千秋已闌刪西風吹夢繞鄉關隔著重城拋  
不得一抹青山 蔬圃十弓寬也算清閒布帆整頓趁  
風還黃米飯香青菜熟容我加餐

長相思

丁見堂索題載書訪友圖

風颭颭雨颭颭萬卷書裝一葉舟問君何處游  
蓼花秋荻花秋落葉寒雲古渡頭故人無恙不

江城子

作客會城偶見曲中人映華爲賦此解異日  
戴荆部金谿見之爲和四闋合而刻之名之  
曰青棠館詞

阻風中酒客西冷感飄零似浮萍白鷺飛來何意慕娉  
婷一朵芙蓉開未過江上見欲消魂夕陽山映淡霞  
晴帶春醒待誰醒疏雨芭蕉點滴太分明惆悵孤山山  
外路樓一角隔重城

和作

開化  
戴敦元 金谿

玲瓏風月數芳名  
掌中擎  
畫中行  
一曲琵琶吹散玉璫  
瑤瑤見說香閨塵夢窄  
嗔阿母罷調鸚  
芙蓉城角謫瑤  
英嫺逢迎托餘醅  
點綴湖堦殘局太淒清  
可惜蕙花秋  
草裏埋沒殺恁聰明

龍華會上倩知觥  
伴專城對雙旌  
惜貌憐才閒處得  
眞評別後相思頻問訊  
無恙否許飛瓊  
一般馨價品題  
榮五花駢五侯  
鯖誰識東方千騎別  
鍾情借作崔徽圖  
画看元只感嘯春鶯

桂花入手擘新橙  
絕朱纓墮釵橫  
前度劉郎心迹隔  
蓬



瀨比似海棠西蜀產空見慣柰綠輕  
裁雲散水句誰成乍心傾替腸縈轉  
悔年時著眼未分明紅豆拋殘人  
去後詩卷裏敘平生

湖山秋色尚盈盈旅鴻征候蛩鳴四角中心碁局總難  
平子野間歌從宛轉綠庭恨訴秦箏  
且呼歡伯課經程坐長更剪孤檠一  
任落花流水各縱橫畱待曉風殘  
月路重與弔柳耆卿

點絳脣

送別梁甫

清漏無聲一燈窗外瀟瀟雨夜闌聽去點滴離人語

共惜飄零怕作消魂句江南路幾聲柔櫓煙樹無重數

又

戊辰僑書會城之時寒宵無事與戴金谿李  
西齋倪米樓作茗肆之集僕命茗肆曰畱鴻  
館續圖賦詩以誌其事歲暮始散去次年長  
夏抵杭與西齋夜過館中試茗藉間金谿江  
北寄聲之語時米樓正作姑蘇之游感愴之  
餘爲賦此解又憶客冬同人集於城北天后  
宮爲秋鴻館之會米樓欲於姑蘇啟春燕樓  
招僕往集故詞中及之

燈火闌刪幾多春恨畱鴻館爲誰腸斷零落寒宵伴  
消息傳來天際逢歸鴈飄零慣小樓春燕忘了西湖畔

和作

仁和  
倪稻孫 米樓

幾日吳門何曾忘了寒宵侶那時梅雨對茗懷人苦  
記否逢君却在孤山路勾畱處別無鷗鷺腸斷鱸邊句

菩薩蠻

長至前二日得米樓仲秋所寄詞札南樓令  
一解試茗見懷之作點絳脣二解一以和僕  
一以寄曲中人香雲卽春燕主人也因賦此  
寄之約與臘月十九日同祭坡公也

亭亭千尺霜林月懷人幾度成圓缺谿水碧於苔錦鱗  
遲上來彩雲香不遠惆悵何曾見準擬慰相思歲寒  
風雪時

坡祠在歲  
寒巖畔

臨江仙

寄米樓書久而未發更闌無俚更賦此解以  
寄兼致金谿西齋

炙硯寒窗裁尺素連朝開了還封画圖歷歷數游蹤簾  
波侵茗綠燈暈襯妝紅孤館春淡聽夜雨關心鴻影  
怱怱天涯腸斷幾人同雲龍分上下風絮各西東

采桑子

朝來隱約重簾下，  
醮額無端，莫是輕寒淡了。  
盈盈一抹山，  
啼妝却較嚴妝好。  
粉薄香殘，幾曲闌干，  
借作春闈。畫障看

浣溪沙

徐詠梅招集溪閣

一桁風簾俯碧溪，  
隔溪山影壓窗。夕陽紅在畫闌西。  
自有清言霏玉屑，  
可無翠袖卷銀泥。  
一聲何處杜鵑啼。

和作

德清

徐

球

詠梅

晒到冰融綠滿溪，  
漁舟曬網日初低。  
玉壺清醪坐窗西。

何處梅花衝夜雪  
隨君竹屐踏春泥  
一枝驚起翠禽啼

柯家山館詞卷一

柯家山館詞卷二

歸安嚴元照修能

鷓鴣天

爲徐小平文題春郊放牧小影

浩蕩郊原自在春，垂楊如幄草如茵。  
騎牛年少誰家子，此是當時徐小平。  
霜點鬢，面生紋，廿年投筆去從軍。  
而今好辦青蓑笠，更向江湖作散人。

又

題米樓画蘭卽以寄懷

中酒篝燈夜漏遲，風莖露朵寫相思。  
平將楚澤千秋恨

併作明窗一段奇 疏雨後淺寒時  
河橋燈火送君歸 幽香滿幅還畱在  
爲譜新詞付雪兒

又

顧蓉孃者戴芝山之侍兒也歸芝山十日而  
亾芝山爲作春蓉曲并圖其貌索題

惆悵詩成話昔游 禮華見說不勝秋  
蒙龍缺月三生夢 零斷行雲十日畱  
燈寂寂夜悠悠 惜花人苦替花愁  
春蓉一曲聽歌罷 風皺銀塘水不流

又

春分垂近返權故園書堂老梅正放高枝疏



英撩人心目賦此寄意

要與青山結比鄰三年負了草堂春梅花畢竟多情  
睗故故遲開待主人風料峭月清噉凌波依舊掌中身  
商量一幅鵝谿絹喚起花光爲寫真

又

書堂老梅二株紅已著花綠尚含蘂又賦

珍重輕寒薄暝時紅梅開早綠梅遲花開遲早花情性  
不是春風兩樣吹芳意在最高枝瑣函先報玉人知  
寒香不比閒桃李分付東君好護持

又

函戶玲瓏喚玉笙  
惜惜香霧羃庭心  
苔階一月蒙龍月  
纔上梅梢別有情  
芳信冷未分明  
當年情事可憐生  
綠陰結子青如豆  
短夢空憑翠羽尋

滿江紅

落梅約許二兵部同作

羌笛悠悠又吹送  
高樓峭寒閒庭掩  
玉英千片狼藉誰  
看驛路曉風人去  
遠瑣函落月夢無  
端問佩環何意別  
怱怱春未闌  
逋仙去湖影寒  
暮煙斷白雲閒  
誤飛來  
飢鶴啄徧苔斑  
孤負春風詞筆在  
一重簾外卽關山  
向  
夜溪惆悵折空枝  
貽所歡

和作

德清

許宗彥

周生

一片蒼苔是歲歲曾埋玉英疏竹外輕颺墮影簷宇微  
陰夢醒難畱仙袂住枝空尚有翠禽尋牘碧天一幅研  
羅牋誰寫眞春風筆雙髻人賞前度悵今晨想別魂  
依約應戀簫聲祇在曉煙殘月裏未隨冷雨化芳塵倚  
画闌凝盼自沈吟風滿襟

點絳脣

題戴芝山秋院填詞冊子

淡院愔愔翠簾空卷梧桐影女兒香冷人與秋俱靜  
斟酌閒愁憑仗詞情迴風流盡芙蓉紅褪幽恨無人省

鷓鴣天

海棠

一樹嬌紅壓綺羅  
蜂喧蝶趁占春多  
天涯記否曾流落  
三載黃州伴老坡  
淡院靜  
醉顏酡  
尊前一曲斷腸歌  
養花清露催花雨  
不那東風剗地何

滿江紅

惜海棠

迷了蒼苔見一徑  
燕支雪封生憎是  
五更初過微雨冥  
濛惆悵愛花人起  
早闌刪看竹客來慵  
賸幾條鈴索苦  
多情丁又東  
吹還欹花信  
風感零落惜豐穠  
看滿城

桃李一樣恩恩金谷夢殘紅燭冷  
柘枝舞罷翠簾空最  
曉函妝倦可憐生倻憇同

賣花聲

薄暝獨登城何處簫聲杏花飛盡過清明  
城上浮嵐城下水一碧無痕  
天氣換新晴淡日輕陰  
萋萋芳草綠  
隨人磯畔閒鷗眠欲醒笑我多情

念奴嬌

送春歸也是淡林淡處幾聲啼鴉  
一片韶華剛可惜付  
與滿階榆莢中酒情懷  
殢香心事忍向東風說  
銀塘水滿縠紋輕皺還歇  
隄外楊柳垂垂纖腰  
踈地舞盡春

無力回首紅樓天樣遠懊惱半空晴雪簾幕重重闌干  
隱隱環珮無消息問花知否看花人已華髮

米樓云收得佳

米樓云有辛幼安筆力而仍以凝鍊出之此種詞惟劉龍洲爲近

滿江紅

詠梅秀才懇偶寄此慰之

三五良宵却依舊清影滿樓難禁是燄消金鴨聲咽銅  
蚪帳冷芙蓉春寂寂簾垂翡翠夜悠悠想獨眠生怕見  
燈花開竝頭梨雲夢還自幽鳳釵斷蝶裙畱看眼前  
谿水可解西流空有瑤華消不得尊前萬點落紅愁問  
鏡鸞何事苦催人潘鬢秋

鷓鴣天

辛未正月十一日夜子時立春

裊裊花幡綴鬢新  
佳人頭上巧迎春  
梅花雪裏無消息  
夜半東風與返魂  
冰澗泮石泉溫  
隔牆小鳥報芳辰  
勸農料理閒巾笠  
次第青山看白雲

又

元夕雪

桂子香濃凝不飄  
東風吹雪過元宵  
街頭人靜無燈看  
枕上愁多有夢撩  
銀燭暗玉笙調  
誰家歌板夜相邀  
綠窗坐對清於水  
墮砌仙雲一片嬌

高陽臺

三月十六日許表姪叔貞婚期是歲三月置  
閏十四日清明十六日望僕於清明前歸里  
畱此贈之

筆嫵遙山鑪溫沈水佳期纔過清明雲豔風香最宜天  
氣新晴杏梁乳燕雙栖穩護淺寒垂下簾旌只難禁淡  
巷朝來斷續簫聲 神仙富貴尋常事算何如年少錦  
帳金屏春也長畱憑君細數階蓂當頭況有團圓月較  
昨宵還更分明恨谿邊無數垂楊催送歸程

柳梢青



宋人以此調賦桂予乃易之以賦梅云

閒倚疏寮問春何在春在梅梢藥欲飄風枝疑著雪淡  
到無聊 清寒細雨連宵定愁溼雙鬟翠翹驛路三千  
闌干十二芳信迢迢

秋波媚

消息羅浮夢但迷夢醒十年遲當初不合早梅花下種  
了相思 而今怕到花時候心事幾人知春風詞筆儘  
判孤負玉骨冰肌

采桑子

斜陽庭院無人到誰倚房薰獨笑東風照水天桃一樹

紅黃昏不覺春光靜  
月澹花濃濺濺溶溶  
仿佛妝成  
曉鏡中

米樓云此數闕極爲明淨

踏莎行

雨哀哀桃風搖纖柳  
日長池館凭闌久  
珠簾不爲看花  
開悵悵況是飛紅後  
幽夢疑雲別情如酒  
薄寒只怕欺羅裊  
欲憑雙燕寄相思  
遙山一夜和春瘦

漁家傲

簾幙遮愁遮不住  
畫梁棲燕般勤訴  
片片飛花隨水去  
知幾許可憐昨夜  
廉纖雨  
芳草黏天誰是主  
踏青怕

過橫塘路鏡裏紅顏容易誤朝復暮山重水複臨溪渡  
采桑子

玲瓏骰子安紅豆刻骨相思新漲平隄幾見鴛鴦兩處  
飛垂楊不縮烏篷住輕別前谿明月圓時空對桃花  
發滿枝

鷓鴣天

凌亂殘英露井東三更禁雨五更風游絲苦要畱春住  
自向庭心冒落紅高閣靜翠簾空今年花事忒怱怱  
花開還有明年在惆悵芳華逝水同

醉太平

童佛菴以羅雨峯芭蕉雨聲劉睡猿秋林月  
色二画合裝一軸鈐以漢印二方一日樂長  
卿一日焦細卿米樓爲賦璵函寒一解佛菴  
又以見屬

芭蕉雨清疏林月明傳來多少秋情認蕭齋画屏  
家長卿焦家細卿喚它千古魂醒說淒涼與聽  
爨

蘇幕遮

題詠梅居

画屏空羅幌靜檻外平山澹翠無人問襪杏朝來紅欲  
褪不爲傷春却也恹恹病 惜分飛憐薄命護水鴛鴦

慣向銀塘竝風裏楊花吹作粉莫近珠簾怕綴潘郎鬢  
點絳脣

曲沼蒲深水楊狂映紅函遠繡巾香扇人隔春風岸  
波面紋生衣上飛花滿尋常見好山青遍未較雙蛾淺

更漏子

題許氏谿上草堂寄懷王聲甫許念茲并示  
詠梅

燭光紅簾影綠茶鼎竹閒初熟清露重雜花香畫堂春  
漏長東風緊輕帆穩好夢幾番勾引芳草暗遠山低

錦箋和恨題

大酺

二月中米樓過訪山居卽作中吳之行約暮  
春歸皇韶光已去歸計未成賦此寄之

記野梅開叢蘭茁碧山春早寒嫩林梢上弦月正峭帆  
初卸半川風緊清供隨身古香畱篋添得草堂人韻行  
裝富詩卷看吳霜晚晚暗侵雙鬢賸聽歌心事任侗重  
說夜闌燈燼 舊游戀芳訊五湖去鶯燕漫勾引算怎  
忘城頭澹翠牆角媽紅便路遙歸夢猶認拋殘吐花筆  
料寫徧尊前幽恨煙波遠芳菲盡故鄉鷗鷺盼斷江南  
音信歸期只愁未穩

八歸

野薔薇

輕撩客恨偷傳芳思偏愛晚晚時節積垣密篠無人處  
誰見等閒開徧粉痕狼籍露重煙輕風日薄更不受惜  
香人惜任画閣壓架繽紛未許寄愁寂 零亂嬌紅淡

素相逢何晚惆悵江南詞客半竿斜照一灣流水閒了

狂蜂癡蝶歎韶華老矣暮雨連天聽啼鴉

西齋改翠帶空持對誰泣

年年換鏡中雙鬢幾度春歸而今眞個白

米樓云結句似李易安守

著箇兒句法而感慨過之

驀山谿

許叔貞招同許敬姚袁修梅徐詠梅置酒文

明塔谿閣卽席有懷邀諸君同賦

閒情喚酒柳下停柔櫓惆悵好春歸看隔岸但迷睂嫵  
煙波如畫中有綠簑衣新漲漫拍漁磯不見閒鷗鷺  
楊花辛苦鎮日隨風舞天末渺嬋娟漫倚徧危欄日暮  
谿山如此莫放玉尊空青鬢在幾多時最怕心期誤

一落索

一片落花飛絮送將春去東風吹斷綠楊絲斷不得瀟  
瀟雨回首高樓欲暮遠山無數短長亭隔短長橋甚  
處是愁來路



浣谿沙

夢破梨花一縷雲  
隔窗鶯語喚眞眞  
舞鸞侵曉不生塵  
眉翠細分山態度  
臉紅斜襯月精神  
畫梁雙燕許相親

齊天樂

懷無錫楊緝甫王佩青時緝甫禮闈報罷

春風第二泉邊夢  
青衫酒痕猶漬  
小閣題襟  
層樓聽雨  
歷歷當年情事  
別離容易  
過幾度鶯花  
幾重山水  
那不銷魂  
茶煙孤裊  
竹鱸細  
嬋娟雲外  
遠寄漫任  
何看鏡  
誰省  
礁額鷗鷺盟  
寒芷蘭香  
老空憶故人  
千里年年歲

歲算最是多情西神眉翠有日相逢舊愁重喚起

揆春慢

新竹

乾蘚苞霜嫩梢挂月清陰旋滿庭牖倚檻參差亞牆阿  
那還較妝臺人瘦連夜瀟瀟雨未算是淒涼時候載花  
雙槩歸來從前應笑空呢 幽谷篔簹此際正醞釀綠  
雲煙淨千畝玉版禪空錦綉嬰脫誰信風流依舊蕭颯  
幽囟下喚一餉微涼消受怕到秋深西風畱在鴛鴦

摸魚兒

詠梅屬題明月前身毋子其夫人袁

淑英之

小影也爲賊此解

恨梨雲半牀幽夢夢同人似天遠樓頭一抹遙山在依  
約黛痕淡淡愁怎遣借數尺吳綃畱取春風面眞眞空  
喚便画到妝臺翠顰紅笑難禁寸腸斷 癡兒女世上  
紛紛恩怨班姑曾賊紈扇多情只數何郎筆判爲梅花  
吟倦君不見明鏡裏清霜暗逐年華換春宵能短儘判  
却相思蘭釭夜夜看了又重看

菩薩蠻

米樓屬賊蓮衣詞同詠梅作

涼波昨夜西風起秋衣一片紅隨水三十六陂寬瓊環

生暮寒 鴛鴦清夢穩 疏雨催教醒 何處寄相思 苦心

儂自知

米樓云較浮眉醉太平作神韻略同而清氣過之

浣谿沙

送米樓同詠梅作

又是尋春一度回 輕帆影落碧谿隈 谿邊沙鳥莫相猜  
無主荷花畱小住 多情山翠待重來 尊前蠟淚看成堆

點絳脣

淡夜回廊木樨搖影 金波碎翠 簾垂地 却喚涼雲起

舊事而今都是愁滋味人醺頰夜闌空對孤鶴階前睡

又

爲詠梅作

紈扇辭秋舊時香褪芙蓉被月華如水祇照人無寐  
一寸吟箋隨意斜行字相思淚仙山迢遞覓箇青鸞寄

南鄉子

慈相寺面壁窩看桂時詠梅吳興未歸

晴日漾清輝城外青山列画眉如此秋光閒過了真癡  
風雨來時悔也遲 獨自叩招提金粟香濃滿翠微凭  
徧闌干無限意誰知新鴈天邊一字住

清平樂

重過面壁窩和前作

松風花雨

閣中額字如此

高閣清如許，依舊嬾娑香滿樹。又是

凭闌一度

汀洲極目，蒹葭雲邊，葉葉帆斜。只怕秋光

遲暮，那人還戀蘋花。

踏莎行

中秋漸近，懷人未歸，率爾成此寄詠梅。

巖桂看殘，汀蘋漸老，画船也合歸來。了幾番鄉夢，乍回時，客肉無那秋山好。碧海沈沈，青鸞杳杳，姮娥一樣傷懷。抱欲圓何事，未成圓，徘徊畱向情人照。

好事近

題盛研樵香溪獨釣圖

過雨落花多添了半溪新碧磯畔更無人到有雙雙鶺鴒  
朝來閒理釣魚竿青簑少人識休戀一絲風好賺  
英雄頭白

南樓令

米樓屬題慧雲小影

玉頰暈紅潮翠釵雙鳳翹是丹青還是妖嬈花底燈前  
開更好看墮地片雲嬌 旅館夜迢迢秋函蠟淚銷記  
清歌暮雨瀟瀟歸去煙波三百里空回首短長橋

念奴嬌

紅樓珠箔護輕寒，四面垂垂不卷。鴛鴦幾番，連夜雨添了。曉妝春倦，柳待搖波，梅還慳雪。未覺東風，軟橫塘路，迴踏青情緒。先嫋望極，迢遞春江，歸帆何處。芳草和天遠，欲寄天涯，無好夢。夢與行雲都斷。鸞鏡塵昏，獸鑪香冷，醮額無人管。西園花事，一年判付鶯燕。

東風第一枝

新柳

暖日烘黃，輕陰帶綠，垂垂學舞。還未長亭，不管離歌綺陌。漫縈旅思，章臺初見，恰十四三年紀。傷玉闌不織。



愁煙却織嫩寒如水 畱不住少年風致拋不盡去年  
心事俊游歸夢無憑盡篋袷衣乍試秋風秋雨怕重聞  
江潭醮額待回睂綵筆閒來乞與謝孃修翠

清平樂

春分過了依舊輕寒峭細柳含風剛裊裊已織愁絲多  
少紅窗幽夢無憑長隄芳草無情幾陣杏花疏雨看  
看又是清明

摸魚兒

寄懷戴刑部金谿

轉危檣夜寒津鼓分襟消盡英氣征鴻社燕更番換過

眼年華容易還又記霜月底半簾人影清於水  
併笙輕沸看候火吳孃更闌倦坐愁壓遠山翠  
三千里不見相思一字秋風却送歸騎歸來重問  
西湖好依舊花明月媚知也未青鏡裏故人雙鬢  
今如此幾多心事悵隔斷春江層層煙柳欲訴竟  
無地

疏影

題詠梅小影

亭亭玉立看一枝獨秀江左誰匹記取吹笙夜半  
驂鸞緜山曾伴明月迎風却关靈和柳怎便惹當年  
相憶恨寂寥月地雲階只尺故人輕別 醮頓年來  
綠鬢對花

暗灑淚心事誰識冷雨疏煙喚起瓊妃脈脈相看愁絕  
春風展卷幽窗下悄一似消凝時節漸画樓蟾影重圓  
莫把舊愁頻說

南浦

碧山玉田皆用此調賦春水頃見友人賦春  
草詩因倚其聲以碧山體詠之

錦陌渺含煙認去年黛痕依舊天遠新翠亂波光尋芳  
去香塵乍連還斷那時南浦離筵曾觀昔茵展斷腸一  
色斜照裏黯黯牽人望眼 西湖歷歷游蹤記一道裙  
腰画輪輕碾惆悵再來時橫塘路空惹落紅畱戀分明

画出豔魂千載江南怨又聽林外吹橫笛牛背聲聲歸  
晚

金縷曲

壬申三月廿四日僕四十初度前期十日徐  
詠梅邀同人置酒溪閣爲僕稱觴酒邊賦此  
時會者徐飴菴戴巳三倪德輝許敬姚袁修  
梅徐玉厓胡霖巖蔡寅九許叔貞

酒泛金船穩問琵琶尊前彈徹幾多幽恨逝水年華剛  
四十一度香紅夢醒早面皺觀河難認占取煙波移家  
具悄回頭還與家山近思往事怕重省東風廿四番

花信恨園林一番花放一番風緊到眼韶光須愛惜花  
下休辭茗芋沈對此溪山名勝多事流鶯啼芳樹蔦教  
人清淚當筵迸沈醉也試臨鏡

蝶戀花

三月廿三日丁綺巖枉過山居邀往或林春  
光已老游船未盡計別西湖一年餘矣因賦  
此解

水面風輕吹綠皺画舫疏簾看徧沿隄柳多少翠鬟凝  
望久重逢應笑新來瘦 還有蘭橈停渡口拾翠人來  
也在飛紅後柳色今朝濃似酒春心一點還依舊

清平樂

訪項秋子話舊

輕陰池閣翠羽搖鈴索滿地苔錢春漠漠一架紫藤花  
落高齋尊俎長閒昔游滿眼關山只有雙峯無恙春  
來依舊妝鬟

柯家山館詞卷二

柯家山館詞卷三

歸安嚴元照修能

玉樓春

癸酉正月初三日立春前一日也

東風又到江南岸  
妝閣來朝風景換  
江邊千樹玉梅嬌  
頭上一枝金鳳戰  
向陽池面冰先泮  
殘雪園林消  
一半滿城簫鼓動  
春聲已覺繡簾風力慢

詠梅云讀玉樓春定風波諸作覺歐晏諸公殊去人不遠

江梅引

塘西宋斗爲葬其先人於餘不谿邊種梅數

十本於墓道葬後未幾斗爲卽下世其墓去  
僕山居里許去春曾與米樓一往尋之枝榦  
蒼老香雪歎薄染人衿袖蓋距斗爲之殤已  
十餘年矣感歎之餘約米樓以江梅引贈之  
皆不成章而罷忽忽歲又一周久病支枕花  
時不出試蘸藥汁漫成此解

孤筇杖屨訪寒梅  
踏蒼苔有誰來  
記得去年詞客共徘徊

徊又是一番風信到  
碧谿隈無人見寂寞

去聲開

淡煙

細雨護冰胎  
憶年時親手栽  
玉妃冷落料應也夢斷瑤  
臺欲問千年遼  
鶴幾時回  
葛地高樓橫玉笛一聲催  
宮



妝薄淚滿顚

鷓鴣天

杏臉微紅柳眼青  
尋春人漸出春城  
鬢華似鬢年換  
芳草如愁故故生  
疏箔卷浴衣輕  
画廊絲雨晝愔愔  
曲闌干外流鶯喚  
一枕游仙夢不成

定風波

擬六一詞

蝶舞蜂喧暮復朝  
日長鈴索護嬌饒  
可惜繁華成一夢  
斷送紅窗半夜雨瀟瀟  
清曉殘紅飛滿地  
無計將花  
依舊上花梢  
不是看花人  
薄命緣甚花開時候  
總無聊

又

一寸光陰一寸金  
養花天氣半晴陰  
莫管新來人漸老  
還要玉觴花下十分深  
往事分明還記得  
傾國清歌一曲墮  
瑤簪幾日慊慊成  
酒病休閒去年花放到而今  
顧菴塘云淡情以淺語出之令人任回不盡

點絳脣

沈水熏殘鴈鎧珠蠟垂垂凍更無人共繡被春寒重  
多少相思不合和愁種銀屏夢月斜鐘動做也成何用

菴塘云香豔似花問

破陣子

亞水柳眉翠瘦拂牆杏臉丹融心事碧城春欲暮消息  
紅樓訊未通春情似水慵 鳳紙牋愁字密絞綃寄淚  
香濃一縷相思牽不斷繞徧巫山十二峯除非夢裏逢  
好事近

微雨過簾藥牆角杏梢紅溼側側輕寒無那做春陰如  
墨 去年風物故依然夢斷楚雲碧不怕瑤臺路迴怕  
鴛鴦頭白

點絳脣

送詠梅就婚箸谿

汀草汀花木蘭橈傍煙江口且停尊酒試話分襟後

小拓篷窗莫也懷人不津亭柳雨傷風慙如我惛惛瘦  
意難忘

孟夏上旬病榻送行情別述懷

剛送殘春恰河橋柳色又送行人遠山但落日煙樹暗  
通津花滿路酒盈尊最此別銷魂繫畫橈今宵甚處水  
驛漁村 廿年恩怨休論笑白衣蒼狗一例浮雲參差  
華柱鴈斷爛錦機紋潮有信夢無痕空淚漬羅巾第四  
聲陽關唱徹莫也輕擲

生查子

珠簾一半垂睡起無情緒殘夢未分明卻被流鶯誤

薦紅溼不飛纖柳隨風舞羅袖翠雙籠獨自看春雨  
簡塘云結句從少陵天寒翠袖翻出新意

清平樂

新荷池沼一一如錢小簾外楊花吹盡了人與青春同  
老 青春有日重來朱顏曾幾時回花事三春如夢芳  
心一寸成灰

浣谿沙

簾揭熏風寶蒜斜滿庭新綠護窗紗一株嬌殺石榴花  
何處層樓拈翠管可憐佷黛映明霞柳陰淡處那人  
家

尉遲盃

仲夏望前送詠梅重赴箸谿

津亭暮怎画舫連夜催人去煙江楊柳千條無力畱將  
伊住歸帆挂也待海上冰輪淨商素怕雙飛愛傷蘭茗  
舊盟閒了鷗鷺推篷一路看山妝臺畔依依鏡裏眉  
嫵小別經旬尋常事早綠暗芭蕉窗戶彈琴看春風鬢  
影慰消渴襟經檢顧渚儻吟情暫付雲牋薜蘿人也延

止

渡江雲

送馮通甫歸嘉興并堅其秋閒重來之約

勾留纔幾日，亭亭画舸，又趁晚來風。尊前聽不得，水面琵琶，續續響萍逢。青山對客也，惜別、任鎖眉峯。君看取，玉觴春釀，不抵別情濃。 囟囟冰輪圓缺，溝水東西，歎舊游如夢。愁見伊霜彫鬢綠，酒誤顏紅，離筵何限關心事。怕負了江上芙蓉煙柳。暝風燈漸，颭孤篷。

菩薩蠻

棟花寒盡聽啼鳩，鬢絲禪榻愁。時節香帶悔輕分，遠山  
任黛痕。相思空有淚，不那人。醮頰疏響到梧桐，銀屏  
昨夜風。

又

芭蕉又送黃昏雨  
回廊細碎秋蛩語  
蓮漏報新涼一聲  
馨正長  
檀槽雙紫鳳  
夜久殷勤弄新恨  
上眉端  
明朝鏡裏看

又

菰蒲雨過紅衣卸  
荷塘一半秋  
香灑翠蓋顛  
亭亭鴛鴦  
夢未醒  
采蓮雙玉腕  
羅袖黃金釧  
回槳怨來遲  
淥波風起時

鳳皇臺上憶吹簫

仲秋之月得所郵書并樂府四闋茗薜一裹

寄醺此解



憐白髮王郎

詠梅云正復蘊藉

采桑子

重陽垂近悄然有懷

江鄉迢遞重陽近  
身在天涯短夢還  
家曲曲屏山故  
故遮銅鋪漸見霜  
華白秋到黃花莫  
近  
幽紗有個人人  
瘦似他

鵲橋仙

憶山居

婆娑老桂便娟修竹籬  
下黃花無數故鄉最好  
是清秋

怎不喚扁舟歸去 紅燈搖暈翠簾垂地寂寞夜寒窗  
戶算來何事最縈心是一縷遙山眉嫵

謁金門

風竹影日上紅窗徐引露葉煙梢如有恨倚闌搖不定  
千里江南夢醒淚溼合歡鴛枕六曲畫屏山遠近斷  
鴻何處問

采桑子

題所臥室壁窗前有紅柿一樹

回廊小院經行地細數芳蹤鬢影愔愔記得春生一笑  
中 鴛鴦夢醒西風急怎不愁儂窗戶玲瓏柿葉猶翻

舊日紅

西江月

向於高蘋洲齋中閱所藏名流扇頭書畫中  
有松圓老人一幅畫蕭仁祖詩意拒霜數叢  
蔭以疏柳小舟傍岸有美人把團扇看月金  
箋水墨神韻盎然署款卅有六字云崇禎十  
年八月廿四日僧筏同舅氏魯生過成老亭  
少飲午酒戲筆作此孟陽時年七十有三小  
行狎書適媚無比鈴以朱文孟陽二字小印  
僕愛其位置景物宛然秋江載月之圖思欲

購之蘋洲惠然輟贈遂以画扇名齋弄之十  
餘年矣旅凶病榻睹茲妙蹟感懷往事不能  
無言

楊柳已知秋晚芙蓉還帶霜妍夜涼人在木蘭船明月  
圓如紈扇 讀画情懷草草惜香心事年年拋殘金粉  
誤嬋娟惆悵春風便面

蔣壩云本色語清豔娟然

### 蝶戀花

病榻岑寂顧蔣塘孝廉過訪剪燭銜杯與話  
西湖舊事感懷有作且索繼聲

湖畔芙蓉秋欲暮，草草逢君共此閒。尊俎舊約湖山容，  
易誤淡妝西子今何許。回首冷楓紅亂舞，客裏光陰  
愁病平分取。惆悵江南腸斷句，黃昏水榭瀟瀟雨。隳枯  
蘭塘

詞句

和作

無錫 顧 翰 蘭塘

昔日湖山殘画捲，收拾名心付與閒。歌管煙水西泠秋，  
夢斷羅襟空抱飛花感。小病經年風景換，煮藥香中  
簾子垂垂暗。似我飄零塵土倦，鬢絲較量誰長短。

小令似南唐長調出南宋設色處皆不儼凡豔不挾  
枯聲此非太真之珠履乃宓妃之羅縠也以絕世人  
作銷魂語雖欲不醜頓經年安可得邪癸酉仲冬讀  
於拜石山房蘭塘弟顧翰并識

三姝媚

勾留梁谿既三月病情轉劇亟鼓歸棹  
別鄒春農楊緝甫王佩青鄒洛園顧蘭塘嵇  
秋濤諸君

風霜江路滿正寒煙連波暮雲無鴈舊板橋邊挂歸帆  
容易去程天遠水調歌殘恨羅帶牽愁不斷欲寄相思  
且待梅梢數椒紅綻回首漪瀾堂畔記屐齒莓痕昔  
年曾徧多病文園歎重來華髮滿襟依黯鴻影萍蹤怕  
此別便隨雲散愁對斜陽髡柳年華又晚

詠梅云意度絕類草窗碧山倡和之作

卜算子

淚眼鎮相看分手，渾無語。門外分明見遠山，山外知何處。雙槳載愁來，又送愁歸去。今夜紅闌夢裏人，獨聽孤篷雨。

念奴嬌

奚虛白居城南碧浪湖畔樓外有高榆數章，因以榆蔭名樓。續圖徵詩，僕久有諾責，因循未踐。梁谿歸棹，掩篷支枕，書寄此解以慰其意。

驛西橋下近城南，一角高樓天遠。樓外清陰涼似水，隔

了遙山青斷鏡檻眉痕書牀指印風味真蕭散新詩大  
好醉來題壁都滿 屈指當日樓中題襟喚酒我亦尋  
芳伴拋卻家山長作客鏡裏新霜暗換一抹斜陽幾重  
雲樹總被相思染它年雅集話儂多少淒惋

虞美人

沈山樵丁綺巖倪笙巢奚虛白計自新正枉  
顧問疾律琯又一周矣思之不見我勞如何  
爰賸此解聊紓余懷

玉梅花下恩恩別經歲無消息芙蓉湖畔画船回寂寞  
山窗又報玉梅開 看山喚酒都無分往事縈方寸相



思隔不斷谿山清夢新來夜夜繞蘇灣

菩薩蠻

臘八後吳成一吳勤旃來問疾

譙樓鼓角聲聲咽空林侵曉霜風歇片月下城頭啼鳥  
未肯休 峭帆沙際落不負年時約消息夢中來寒梅  
昨夜開

青玉案

昔年曾以梅椿二盆移植書堂前向陽得地  
曾未幾年扶疏高聳已出檐際矣自移居龜  
谿以來每歲花時輒不相值唯庚午歲著花

最遲清明之後返權故園紅梅乃正爛漫曾  
爲賸鷓鴣天二解今余臥病年餘生理殆盡  
里中人來知二梅已相繼萎謝嗟乎樹猶如  
此人何以堪余豈能無桓司馬之感也

谿山好處移家具怎移得寒梅樹寂寞花開經幾度淡  
雲微月冷煙疏雨誰與春爲主何郎老去多愁緒嬾  
賸春風彩牋句金屋安排心事誤縞衣珮解翠禽飛去  
夢斷孤山路

浣谿沙

除夕

響竹聲中歲欲除  
溫暉香滿博山爐  
三更燈影暗流蘇  
華髮驚心中酒後  
梅英點額試妝初  
迢迢枕上數銅壺

風入松

甲戌元夕立春

春城花市夜迢迢  
霜月壓河橋  
東風嬾趁新年約  
江鄉信遲到  
今朝錦帳夢和雲  
暖綺函人若梅嬌  
文園醮額病無憀  
鴛被舊香銷  
離情最怕逢佳節  
關心是春水  
蘭橈坐久紅垂珠  
蠟愁多淥負金蕉

詠梅云可與蛻巖之作並傳 又云初讀上半幾疑  
過變後無從著筆

瑞鷓鴣

增城一別怨遙天  
夢斷湘靈五十絃  
一半華年隨逝水  
萬千心事託啼鶉  
鴛鴦空負雙栖願  
明月曾經一餉圓  
細雨清寒簾不卷  
梅花落盡夜無眠

八月圓

春寒雨雪病軀殊  
不能支擁爐偃臥偶成此  
解

連宵風霰敲窗急  
冷落負芳春  
繡牀金鴨香殘灰燼誰  
與溫存  
暗催華鬢能消如此幾箇黃昏  
梅花落盡詞  
人老去一樣消魂

好事近

沈山樵來問疾

豔雪臥牆腰滿地落梅狼籍砌下霜燕未綠了無人行  
迹 寥天一鶴忽飛來點破暮雲碧正自愁腸縈損憶  
城南山色

悔菴居士於壬申仲秋邁疾久而弗瘳去年  
曾從史棐其樂府二卷今茲見其新作襲積  
又得如干解乃錄其副續付諸梓甲戌春二  
月徐球記

柯家山館詞卷三